

Uunga siunnersuut: Ilageeqarneq pillugu Inatsisartut inatsisaannik allanngortitsineq pillugu Inatsisartut inatsisaat nr. xx, xx. xxx 2018-imeersoq

(Ajoqinik aamma pattattunik ilinniartitaanernik aaqqissuussinerit, oqaluffimmut pulaarnermut akiliuteqartitsisarneq aamma nipangiusimasassanik ilisimatitseqatigiiffiusumik oqaaseqaatissanullu tunngasunik il.il. ataatsimiittarnerit pillugit)

§ 1

Inatsisartut inatsisaat nr. 9, ulloq 19. maj 2010-meersoq, allanngortinneqartoq Inatsisartut inatsisaatigut nr. 2, ulloq 29. november 2013-imeersukkut, imaattunik allannguuteqartitsisoqassaaq:

1. § 20, imm. 1, oqaaseqatigiit siulliit imatut oqaasertalerneqassapput:

”Palasip atuagarsuarnik allattuisuusup nakkutigisarissavai oqaluffiup illutai toqusut inaat ilanngullugu.”

2. § 20-imi, imm. 3-tut ikkunneqassaaq:

” *Imm. 3.* Naalackersuisut nakkutilliinermut malittarisassiorsinnaapput.”

3. § 25, imm. 2, imatut oqaasertalerneqassaaq:

” *Imm. 2.* Biskopip ajoqinik ilinniartitsinermi aaqqissuussineq aalajangersartassavaa, tamatumani aamma pikkorissaasarnermut ataatsimiititaliaq, ilinniakkamut isernissamut piunasaqaatit aamma ilinniakkap imai aamma annertussusia, kiisalu ilinniagaqarsimanermut allagartat. Biskopip ilinniakkamik aaqqissuussineq Naalackersuisunut akuersissutigisassatut nassiuttassavaa.”

4. § 26, imm. 2, imatut oqaasertalerneqassaaq:

” *Imm. 2.* Biskopip pattattunik ilinniartitsinermik aaqqissuussineq aalajangersartassavaa, ilinniakkamut isernissamut piunasaqaatit aamma ilinniakkap imai aamma annertussusia, kiisalu ilinniagaqarsimanermut allagartat. Biskopip ilinniakkamik aaqqissuussineq Naalackersuisunut akuersissutigisassatut nassiuttassavaa.”

5. § 26 e-mi imm. 1-ip kingorna immikkoortutut nutaatut ikkunneqassaaq:

” *Imm. 2.* Ilisimatitseqatigiiffiusunik ataatsimiinnerit tamanut ammasuunngillat. Ataatsimiinnernit imaqarniliaasinnaasut allattugaatillu isertuussassaapput.”

Imm. 2 taamaasilluni *imm. 3*-ngussaaq.

6. § 26 f-imi ikkunneqassapput *imm. 1*-ip kingorna nutaatut immikkoortutut:

” *Imm. 2.* Ilagiit sinnisaasa oqaaseqaateqareerneranni, sulili biskoppi Naalackersuisunut imm. 4 naapertorlugu inassuteqaateqanngitsoq qinnuteqartup qinnuteqaatini tunuartippagu, nutaamik oqaaseqaateqarnissamut ataatsimiinnermik ingerlatsisoqassaaq. Qinnuteqartoq

qinnuteqaammik utertitsisoq oqaaseqaateqarnissamut ataatsimiinnermi siullermi taaneqarsimanngippat nutaamik oqaaseqaateqarniarluni ataatsimiinnermik ingerlatsisoqassanngilaq.

Imm. 3. Oqaaseqaateqarniarluni ataatsimiinnerit tamanut ammasuunngillat. Ataatsimiinnernit imaqarniliortoqarsimappat allattuisoqarsimappalluunniit, taakkua isertuussassaapput.”

Imm. 2 taamaasilluni *imm. 4*-nngussaaq.

7. § 26 j-imi *imm. 1*-ip kingorna immikkoortutut nutaatut ikkunneqassaaq:

” *Imm. 2.* Ilisimatitseqatigiiffiusumik ataatsimiinnerit tamanut ammasuunngillat. Ataatsimiinnernit imaqarniliortoqarsimappat allattuisoqarsimappalluunniit, taakkua isertuussassaapput.”

Imm. 2 taamaasilluni *imm. 3*-ngussaaq.

8. § 26 k-mi *imm. 1*-ip kingorna nutaatut immikkoortutut ikkunneqassapput:

” *Imm. 2.* Qinnuteqartup qinnuteqaatini utertippagu, ilagiit sinniisaasa oqaaseqaateqareerneranni aammalu biskoppi suli Naalakkersuisunut inassuteqaateqanngitsaq *imm. 4* naapertorlugu, nutaamik oqaaseqaateqarnissamut ataatsimiinnermik ingerlatsisoqassaaq. Qinnuteqartoq qinnuteqaammik utertitsisoq oqaaseqaateqarnissamut ataatsimiinnermi siullermi taaneqarsimanngippat nutaamik oqaaseqaateqarniarluni ataatsimiinnermik ingerlatsisoqassanngilaq.

Imm. 3. Oqaaseqaateqarniarluni ataatsimiinnerit tamanut ammasuunngillat. Ataatsimiinnernit imaqarniliortoqarsimappat allattuisoqarsimappalluunniit, taakkua isertuussassaapput.”

Imm. 2 taamaasilluni *imm. 4*-nngussaaq.

9. § 26 q imatut oqaasertalerneqassaaq:

” § 26 q. Ilagiit sinniisaat oqaluffimmut pulaarnernut naalagiat avataanniittunut akiliuteqartitsisarsinnaapput. Akiliutit sumiiffimmi tassani ilagiinnik sullissinermut atorneqartassapput.”

10. § 26 q-p kingorna ikkunneqassaaq kapitali 8-mi:

” § 26 r. Naalakkersuisut piginnaatinneqarput Biskoppi isumaqatigiinniareerlugu malittarisassanik aalajangersaasarnissamut akiliutit angissusissaannut aamma akiligassiisarnermut atatillugu, pisortat aningaasartuutaannut matussutissatut, tak. §§ 26 n–26 q.”

§ 2

Inatsisartut inatsisaat atortuulerpoq 1. januar 2019.

Imm. 2. Ilutigisaanik atorunnaarput Namminersornerullutik Oqartussat nalunaarutaat nr. 15, 26. april 1985-imeersoq, Kalaallit Nunaanni ajoqissat ilinniartitaanissaannut tungasoq aamma Kalaallit Nunaanni organistit ilinniartitaasalernissaannik Namminersornerullutik Oqartussat nalunaarutaat nr. 26, 1. december 1987-imeersoq.

Namminersorlutik Oqartussat, ulloq xx. xxx 2018

Kim Kielsen